

做了逾30年正派想「變壞」

Bobby 要效法祖藍 自編自演



● Bobby 笑言沒人敢找他演奸角。

香港文匯報訊 (記者 梁靜儀) 歐陽震華 (Bobby)、馬德鐘 (馬神)、陳滢及鄭子誠等, 前日出席劇集《伙記辦大事》宣傳, 席上眾人又分組玩遊戲, 重演劇中場面。至於女主角萬綺雯 (萬二蚊) 就一直未有出席宣傳, Bobby 替她解釋, 萬二蚊於內地忙於搞民宿, 屬大生意「大茶飯」, 並自薦要做代言人。被問到會否再拍劇時表示, 再拍就會參與編劇創作。

劇集星期日晚將大結局, Bobby 被問到可有再拍劇計劃? 他說: 「未睇, 睇吓拍咩, 自己想自編、自演、剪片同配埋樂, 如果再拍劇就想做埋編劇, 好似王祖藍咁。」他又指做了30多年正派角色, 也想演奸角, 但無奈無人敢找他: 「我個樣善良嘅, 所以冇人敢試, 驚損壞, 分分鐘畀人關, 因電視入屋。」

萬綺雯搞民宿「大茶飯」

劇集將大結局, 女主角萬綺雯就一直未有出席宣傳? Bobby 說: 「佢喺內地搞緊民宿, 因為往來要隔離所以返唔到嚟宣傳, 人哋日日理萬機點返嚟宣傳, 佢啲咁大生意「大茶飯」, 遲啲影城都搞埋。」 Bobby 又笑言要自薦為萬綺雯的民宿做代言人。

馬神與陳滢劇中有感情線, 對於劇集進入結局周, 陳滢表示自己沒時間收睇, 希望觀眾留意大結局, 因為最好睇的戲都留在今個禮拜播出。有追睇劇集的馬神就讚這兩星期的劇情好有話題性: 「尤其係劇中賴慰玲好慘, 自己個場官司睇到個心好嘔, 真係進入白熱化, 都想睇陳滢呢個個位底係自己身邊會發生咩事。」

馬神讚陳滢合作有火花

對於有網民不滿陳滢在劇中的戲份比主角萬綺雯、歐陽震華及馬德鐘還要多, 令他們主角變配角, 陳滢就解釋: 「係咩? 都抱歉, 如果我係佢哋哋 Fans 都期待見佢多啲, 但因為我角色係佢哋要貫穿佢哋, 所以我次數比較多, (可有為此唔開心?) 冇唔開心。」馬神大讚陳滢這個對手好好, 整個過程非常愉快, 大家合作好有火花, 他們有多場戲都有內心交集, 結尾還有一場兩個人好犀利的戲值得收睇。

對於有指無綫近期有個現象, 很多劇集都借女一去捧女二? 馬神就代陳滢解圍, 指《伙記辦大事》是雙女主角, 雙男主角, 大家並列男一女一。

問到是否因此令萬綺雯不敢返來宣傳? 陳滢指萬綺雯因在內地工作才沒返來。

另外, 劇中飾演奸角的鄭子誠, 表示戲中的迷姦戲拍得好辛苦, 因要在狹窄又侷促環境下拍攝, 但播出來的角度篇幅卻不成正比。



● 萬綺雯在內地地經商, 缺席新劇宣傳。



● 馬德鐘大讚陳滢是個好好的對手。



● 王祖藍多才多藝。資料圖片

● 陳滢玩遊戲玩到勁腰。

不覺得借女一捧女二 林夏薇讚馮盈盈好戲

香港文匯報訊 (記者 梁靜儀) 陳展鵬、林夏薇、馮盈盈、劉佩玥及黃智賢 (Ben) 等, 前日出席無綫新劇《逆天奇案》宣傳, 活動上總監製劉家豪公布該劇首周7天跨平台總收視達26.4點, 暫時成為本年度兩線劇集一周收視冠軍。

陳展鵬對於主演的劇集有好成績, 他說: 「好幸運, 聽到家豪哥 (劉家豪)、編審話套劇內地都好受歡迎, 林夏薇仲話佢度門嘅同學都有追睇。(開拍續集?) 估計家豪哥會, 再開續集會玩好多, 廠家好似搵到出路點拍警匪片, 警匪片係香港文化, 最重要返返自己香港嘅嘢。」

說到收視贏了「福將」歐陽震華? 他就說: 「唔同, 兩樣嘢嘍, 劇本係好重要, 好劇本再加啲嘅角色, 化學作用出來效果就會更加好, 有啲劇本唔係咁理想就要靠演員去救。」展鵬又指全家晚晚都有捧他的新劇場。

林夏薇表示劇集有好收視, 對劇組是很大鼓舞, 希望大家繼續支持; 馮盈盈則認為有好成績, 對整個團隊是個肯定, 現在劇集只播了一半, 期望收視愈來愈好, 因還有很多大人物未出場。

談到有指無綫的劇集有個現象, 就是借女一捧女二, 無獨有偶馮盈盈在《逆》劇中的戲份比林夏薇多。林夏薇稱不覺有這種現象, 因每個人物設定都不同, 盈盈的角色的確比較出彩, 但作為演員拿到劇本後便會專注自己的角色及做好本分, 不會分戲多或戲少。

馮盈盈自言其角色只考驗林夏薇與陳展鵬之間的感情, 為之後劇情鋪路。她又大讚林夏薇之後有幾場內心戲簡直是演技大爆發。林夏薇對盈盈笑說: 「你好偉大。」



● 林夏薇 (左) 稱馮盈盈的角色的確比較出彩。



● 陳展鵬新劇收視好, 他指劇本是好重要。

● 逆天奇案 首周7天跨平台總收視 26.4 點



● 蔡卓妍與鍾欣潼於內地酒店重聚, 開心到飛起來擁抱。



● Twins 出道20周年, 推出新歌紀念這個大日子。

Twins 內地合體賀出道20周年

香港文匯報訊 (記者 阿祖) 前日是 Twins 出道 20 周年, 也推出新歌《小小女人》紀念這特別的日子。而本身已在內地工作的鍾欣潼 (阿嬌), 前晚也一早於酒店靜待剛完成 14 日隔離的蔡卓妍 (阿Sa) 合體重聚, 當門一打開, 阿嬌與阿Sa 即來個擁抱, 收了花的阿嬌, 帶阿Sa 參觀酒店房間, 看到阿嬌貼心地為她一早準備好食物及日常用品, 已經滿心歡喜, 當再看到關智斌 (Kenny) 驚喜現身, 阿Sa 開心到飛起, 在屋中央不停嘩嘩聲大叫大跳, 最後再與阿嬌深情擁抱。

阿Sa 於社交平台分享 Twins 合體一刻的短片外, 更寫道: 「完成 14 天的隔離就見到我的小小嬌, 一打開門看到滿屋的快遞也不及看到你藏在門後的那種驚喜和開心! 在今天這個特殊的日子裏, 我們準備了驚喜要送給大家, 你們都收到了嗎。下一個 20 年我們依舊相互陪伴。我記得我們說過 60 歲還要一起打側手翻。」

Twins 踏入 20 周年, 為回饋粉絲及成軍 20 周年作一個總結和紀念, 於前日出道紀念日推出新歌《小小女人》。整個 MV 以粉紫系色調呈現, 呼應「小小女人」主題, 以虛擬場景搭設出日常生活, 亦包含 Twins 出道以來的經典歌曲, 例如《女校男生》、《愛情當入樽》、《丟架》、《下一站天后》、《士多啤梨蘋果橙》及《星光遊樂園》等。

鏡頭在過山車、摩天輪中穿梭變幻, 從一個場景切換到另一個場景, 不停往前推移, 猶如歌中所表達要突出堅強的小女人英勇面對世間艱難的深意。而每一個情景, 從前行過每段路, 那美好仍然可盡訴。

如同歌中最後表達, 阿Sa 和阿嬌攜手走過 20 年光陰, 姐妹情誼從未改變, 走過的每一段路, 經歷過的每一個旅程, 都有彼此的身影, 而這也是 MV 想要表達的另外一層含義: 「何妨共你八十時, 著起新一季時裝, 優雅地老」, 「無論旅途多遙遠, 感謝有你在身邊。」

Ariana Grande 低調嫁房產經紀



● Ariana Grande 姐弟戀開花結果。

綜合中央社報導 據外國媒體引述 相關消息, 美國人氣女歌手 Ariana Grande 上周末在加州嫁給房產經紀男友, 在新冠疫情下婚禮小而溫馨, 賓客不到 20 人。

現年 27 歲的 Ariana 與 25 歲的 Dalton Gomez 結為連理, 兩人去年 1 月開始約會, 12 月就宣布訂婚。

Ariana 的公開證實結婚喜訊。公開告訴《People》雜誌: 「他們結婚了。婚禮小而溫馨, 不到 20 人。所有人都非常開心, 現場充滿愛的氣氛。小兩口和雙方家人再高興不過。」據悉, 婚禮是在女方位於南加

州 Montecito 的家中舉行。Dalton 是土生土長的南加州人, 從事房地產業 5 年, 並且擁有多大客戶。

Ariana 過往亦有不少情史, 她曾於 2018 年與「周六夜現場」(Saturday Night Live) 喜劇演員 Pete Davidson 訂婚, 但不到半年後解除婚約。

Ariana 也曾與饒舌歌手 Mac Miller 交往很長一段時間。兩人 2018 年分手約 4 個月後, 男方疑因用藥過量猝逝, 年僅 26 歲。

胰臟兩良性瘤神秘消失 黎瑞恩: 喜樂的心是良藥

香港文匯報訊 (記者 李思穎) 年屆 48 歲的黎瑞恩 (小恩子), 於 8 年前因身體不適入院做身體檢查, 發現胰臟長有兩個瘤, 最後她決定不聞不問, 用開心情來擊走病魔, 直至近日她感到肚痛及發燒, 便以為自己「時間差唔多」, 又要再次入院, 檢查報告竟然是兩個瘤消失了, 結果喜出望外, 令小恩子更加深信「喜樂的心乃是良藥」。

小恩子和前夫曾智明於 2014 年離婚, 婚姻失敗曾令她跌進人生低谷, 可幸她看化世情重新振作, 重拾積極態度, 不過去年小恩子自曝「生蛇」(帶狀疱疹) 給折磨了一個月, 最近她又因肚痛發燒入院, 但卻意外給她帶來好消息。

她憶述 40 歲時人生做第一次全身檢查: 「因為成日食完嘢好似頂住頂住咁, 我就懷疑自己應該係有幽門螺旋菌又或者係腸好多癌肉, 40 歲時做完人生第一次全身檢查, 報告結果所有嘢都正常, 唯獨是見到胰臟有些陰影, 最後再作詳細檢查後發現胰臟真係有兩個瘤, 醫生話, 『好難先睇到啲, 通常末期先畀你睇到! 不過暫時都係良性』醫生話因為一個喉頭、一個喉尾, 要切除的話, 喉頭個個纏住其他器

官, 所以每個器官都要切三分之一, 咁我問有冇藥食? 佢話有, 叫我以後開心一些! 每 6 個月檢查一次, 頭兩次我都好乖去做檢查, 但考慮到做 CT 都有輻射, 照多幾次本來有嘢都變有嘢啲, 最後我選擇對呢兩粒瘤不聞不問, 總之每日就當『過一日、賺一日』開心就得啲。」

直到近日, 她突然腹部劇烈脹痛要入院, 以為自己「時間都差唔多」, 醫生為她照腹腔, 竟然有意想不到的結果, 小恩子: 「好神奇, 醫生話見唔到我胰臟兩粒瘤嘍, 只係腸胃炎導致腸抽筋, 我即刻開心到癲咗, 問咗自己好多次點解, 原來唔好處理咁多無謂嘢及負面嘢, 真係可以醫病嘍, 所以我想同大家分享我嘅說法, 希望無論患咩病嘅朋友, 大家唔好絕望, 放鬆及樂觀, 凡事都有可能。」

● 黎瑞恩表示不要斤斤計較, 就每日都可開心。

